



Bentiarq Ottosen
Inatsisartuni ilaasortaq, Atassut

**Inuit toqusimasut timaannik ikuallaaveqalersinnaanera pillugu § 37, 042/2019
naapertorlugu apeqqutigineqartumut akissuteqaat**

29-01-2019
Suliap normua. 2019 - 2174
Allakkat nr. 9879464

Asasara Bentiarq Ottosen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

Postboks 1029
3900 Nuuk
Oqarsasuaat : +299 34 50 00
Email: ikin@nanoq.gl
www.nanoq.gl

Apeqqut 1: UKA2017-mi imm. 115-mi Inatsisartuni akuerineqartumi aalajangiunneqarpoq inuit toqusimasut timaannik ikuallaaveqalersinnaaneranik misissuisoqassasoq. Suliaq taanna sumut killippa? Naalakkersuisut suliaq taanna ingerlateqqinniarpaat?

Akissut: Siusinnerusukkut qulequttamat pineqartumut akissutiminni, innuttaasut ilaasa taamatut kissaateqarnerat Naalakkersuisut paasilluarsinnaagaat taamatuttaarlu inuiaqatigiinni nukissaqarniarnikkut sipaarniarnermi mianerisassat misissuataarnissaannik pisariaqartitsineq paasigitsik Naalakkersuisut oqaatigisareerpaat.

Toqusimasut timaannik ikuallaaviliornissaq Inatsisartunit siornatigut suliarineqarnikuuvoq, kingullermi tamanna UKA 2017-imi pivoq. Taamani Naalakkersuisut illoqarfinni nunat immikkoortuini qitiusumik napparsimaveqarfiusuni toqusimasut timaannik ikuallaaveqalersinnaaneranik periarfissanik kiisalu aningaasaqarnikkut pitsaaqutinik pitsaanngequtinillu misissuissasut akuerineqarpoq (EM 2017/115).

Pisup kingorna qinersisoqarpoq, taamaakkaluartoq ataatsimik amerlanerusunilluunniit toqusimasut timaannik ikuallaaviliortoqarsinnaanera pillugu aalajangiisoqartinnagu, siullertut pingaarnertullu sukumiisuusumik misissuinerit ingerlanneqartariaqartut Naalakkersuisut aamma isumaqarput. Taamaattumik Naalakkersuisut misissuinermik taamaattumik suli aallartitsiumapput naammassippallu Inatsisartunut saqqummiunneqassalluni.

Inussiarnersumik inuulluaqqusillunga

A handwritten signature in blue ink that reads "Ane Lone Bagger". The signature is written in a cursive, flowing style.

Ane Lone Bagger